



2024/2025 Prydau Ysgol am Ddim a Grant Hanfodion Ysgol i Ysgolion Casnewydd - Gwybodaeth Bwysig i Rieni / Gofalwyr

Prydau Ysgol am Ddim i Holl Blant Ysgolion Cynradd

Mae gan bob disgybl ysgol gynradd hawl i dderbyn Prydau Ysgol Am Ddim.

Nid oes raid i deuluoedd plant sy'n mynychu Ysgol Gynradd wneud cais ar gyfer y cynnig prydau ysgol gan y byddant yn gallu hawlio hyn yn awtomatig yn eu hysgol.

Fodd bynnag, sylwch y gallai teuluoedd ar incwm isel fod yn gymwys i hawlio'r taliad Grant Hanfodion Ysgol a chyllid ychwanegol ar gyfer eu hysgol, gweler isod.

Prydau Ysgol Am Ddim i Deuluoedd Incwm Isel

Os ydych ar incwm isel ac yn bodloni'r meini prawf cymhwysedd fel isod, fe'ch cynghorir i wneud cais am Brydau Ysgol am Ddim gan y gallai hyn roi hawl i chi gael taliad Grant Hanfodion Ysgol ynghyd â chyllid ychwanegol ar gyfer eich ysgol.

RHAID i chi gwblhau pob adran ar y ffurflen gais a llofnodi'r datganiad. Bydd ffurflenni anghyflawn yn arwain at oedi wrth roi Prydau Ysgol am Ddim neu daliad y GHY tra'n bod yn cysylltu â chi i gael y wybodaeth sydd yn eisiau.

Gallwch wneud cais ar-lein ar wefan Cyngor Dinas Casnewydd. Mae ffurflenni papur hefyd ar gael ar gais.

CYMHWYSEDD – Bydd disgyblion yn gymwys i gael Prydau Ysgol am Ddim a Grant Hanfodion Ysgol os yw rhieni/gofalwyr yn derbyn un o'r budd-daliadau canlynol:

- Cymhorthdal Incwm neu Lwfans Ceisio Gwaith ar sail incwm
- Lwfans Cyflogaeth a Chymorth yn Seiliedig ar Incwm
- Credyd Treth Plant (rhaid i'r incwm blynyddol fod yn llai na £16,190 ar gyfer y cartref)
- **SYLWCH: NID ydych yn gymwys i gael prydau ysgol am ddim na Grant Hanfodion Ysgol os ydych yn derbyn Credyd Treth Gwaith**
- Elfen Warantedig y Credyd Pensiwn Gwladol
- Cymorth dan ran VI Deddf Mewnfudo a Lloches 1999
- Credyd Cynhwysol, ar yr amod bod gan yr aelwyd incwm a enillir net blynyddol o ddim mwy na £7400.

Pan fyddwch yn gwneud eich cais am Brydau Ysgol am Ddim, bydd eich Awdurdod Lleol yn gwirio'ch cymhwysedd gan ddefnyddio'r system gwirio cymhwysedd. Mae'r broses hon yn gweithio drwy edrych ar enillion hawlydd am hyd at dri o'r cyfnodau asesu diweddaraf, gan ddechrau gyda'r rhai mwyaf diweddar a gweithio'n ôl. Os oes angen rhagor o wybodaeth arnom, byddwn yn cysylltu â chi.

***ANGEN TYSTIOLAETH YCHWANEGOL** – os ateboch chi'n gadarnhaol i unrhyw un o'r cwestiynau canlynol, bydd angen i chi ddarparu dogfennau i gefnogi eich cais:

- **A YDYCH HEB HAWL I ARIAN CYHOEDDUS YN SEILIEDIG AR EICH STATWS MUDO -**
Bydd angen i chi roi copi o flaen a chefn eich Cerdyn Preswyllo Biometrig
- **A OES GENNYCH STATWS CYN-SEFYDLOG YR UE OND YN METHU HAWLIO UNRHYW FUDD-DALIADAU?**
(fel Credyd Cynhwysol) -
Bydd angen i chi ddarparu copi o'r llythyr gan yr Adran Gwaith a Phensiynau (AGPh) neu'r Ganolfan Byd Gwaith (JCP) sy'n nodi nad ydych yn gymwys i gael budd-daliadau lles.

Os ydych wedi colli llythyr yr AGPh/JCP, gallwch awdurdodi Cyngor Dinas Casnewydd i gysylltu â'r AGPh/JCP ar eich rhan i gael copi o'r llythyr hwn. Trwy lofnodi'r datganiad ar eich cais, rydych yn cytuno i Gyngor Dinas Casnewydd gael gafael ar y wybodaeth hon i gefnogi eich cais.

Os oes gennych EUPSS ac yn credu na allwch gael budd-daliadau ac erioed wedi gwneud cais am unrhyw beth, ewch i sesiwn galw heibio'r UE, Llyfrgell Ganolog ac Amgueddfa, Llawr 1/adran gyfeirio, Sgwâr John Frost, Casnewydd NP20 1PA ar ddydd Mercher rhwng 9AM a 4PM (nodwch na fydd sesiwn galw heibio ar gael bob amser ym mis Gorffennaf ac Awst 2024)

Hawliadau Adnewyddu

Os oes gan eich plant hawl ar hyn o bryd i gael Prydau Ysgol am Ddim ac yn mynychu un o ysgolion Casnewydd, ni fydd angen i chi gyflwyno cais arall. Byddwn yn gallu gwirio eich cymhwysedd parhaus ar gyfer Prydau Ysgol am Ddim a'r Grant Hanfodion Ysgol heb fod angen i chi lenwi ffurflen newydd (oni bai ein bod yn cysylltu â chi am eitem ar wahân). Byddwch yn derbyn hysbysiad o'ch dyfarniad cyn dechrau'r flwyddyn newydd.

Amddiffyn wrth Bontio

Oherwydd newidiadau a wnaed gan Lywodraeth Cymru, daeth Amddiffyn wrth Bontio i ben ar 31.12.2023.

Ni fydd unrhyw ddyfarniadau Prydau Ysgol am Ddim newydd a wneir o 01.01.24 yn derbyn Amddiffyn wrth Bontio. Os bydd eich amgylchiadau'n newid, bydd hawl i Brydau Ysgol am Ddim yn dod i ben os nad ydych yn bodloni'r meini prawf cymhwysedd mwyach.

Bydd cymhwysedd disgyblion sydd eisoes yn derbyn Prydau Ysgol am Ddim cyn 01.01.2024 yn cael eu diogelu nes i'r plentyn ddod i ddiwedd eu cyfnod addysg presennol h.y. ysgol gynradd/uwchradd.

Ar gyfer unrhyw ddisgyblion Blwyddyn 6 sy'n symud o'r Ysgol Gynradd i'r Ysgol Uwchradd ym mis Medi 2024, bydd Amddiffyn wrth Bontio nawr yn dod i ben. Byddwn yn gwneud gwriad cymhwysedd ac os na fodlonir y meini prawf cymhwysedd mwyach, bydd hawl i Brydau Ysgol am Ddim yn dod i ben ar ddiwedd y flwyddyn ysgol, Blwyddyn 6.

GRANT HANFODION YSGOL 2024/2025

Bydd y grant ar gyfer y flwyddyn academaidd o fis Medi 2024 yn agor ar 1 Gorffennaf 2024.

Gall disgyblion sydd â hawl i gael Prydau Ysgol am Ddim ar sail y meini prawf uchod, hefyd fod â hawl i gael Grant Hanfodion Ysgol os ydynt yn mynd i ddosbarth derbyn yn yr ysgol gynradd, blynyddoedd 1,2,3,4,5,6,7,8,9,10 neu 11 neu os ydynt mewn ysgol arbennig, uned adnoddau anghenion arbennig neu uned cyfeirio disgyblion a'u bod yn 4,5,6,7,8,9,10,11,12,13,14 neu'n 15 oed.

Mae arian hefyd ar gael i bob plentyn oedran ysgol gorfodol sy'n derbyn gofal.

Gellir hefyd ystyried disgyblion sydd heb hawl i arian cyhoeddus, sy'n mynd i'r Dosbarth Derbyn, Blwyddyn 1,2,3,4,5,6,7,8,9,10 ac 11 ym flwyddyn ysgol 2024/2025 ar gyfer yr arian hwn.

Bwriad y Grant Hanfodion Ysgol yw rhoi cymorth i deuluoedd ar incwm isel i brynu:

- Gwisg ysgol gan gynnwys cotiau ac esgidiau;
- Dillad chwaraeon gan gynnwys esgidiau;
- Gwisg ar gyfer gweithgareddau cyfoethogi, gan gynnwys, ond heb fod yn gyfyngedig i, sgowntiaid, geidiaid, cadetiaid, crefftau ymladd, chwaraeon, celfyddydau perfformio neu ddawns;
- Offer e.e. bagiau ysgol a deunydd ysgrifennu;
- Offer arbenigol pan fo gweithgareddau cwricwlwm newydd yn dechrau, megis dylunio a thechnoleg;
- Gliniaduron neu gyfrifiaduron llechen; ac
- Offer ar gyfer teithiau y tu allan i oriau'r ysgol, megis dysgu yn yr awyr agored, e.e. dillad gwrth-ddŵr.

Cysylltwch â'ch ysgol i weld a oes offer ar gael cyn prynu unrhyw beth.

Bydd manylion swm y grant yn cael eu cyhoeddi ar wefan Cyngor Dinas Casnewydd pan fydd hyn ar gael gan Lywodraeth Cymru.

Rhowch eich manylion banc ar eich cais er mwyn i'r taliad hwn gael ei wneud. Rhaid talu'r taliad i gyfrif banc. Ni allwn wneud taliadau i gyfrif Swyddfa'r Post Gallai methu â darparu'r wybodaeth hon arwain at oedi cyn rhoi'r taliad hwn i chi.

Dim ond ar gyfer disgyblion sy'n mynychu ysgolion o fewn Awdurdod Lleol Casnewydd y gellir ystyried ceisiadau am y Grant Hanfodion Ysgol, a dim ond un taliad grant y gellir ei hawlio mewn unrhyw un flwyddyn academaidd.

SYLWER AR Y CANLYNOL:

NEWID YN EICH AMGYLCHIADAU - Eich cyfrifoldeb chi yw rhoi gwybod i'r Tîm Prydau Ysgol Am Ddim am unrhyw newidiadau i'ch amgylchiadau ariannol/teuluol. Gallai methu â rhoi gwybod arwain at godi'r pris llawn arnoch am unrhyw brydau ysgol a gafodd eich plant o'r dyddiad y newidiodd eich amgylchiadau. Efallai y bydd yn rhaid i chi ad-dalu unrhyw daliad Grant Hanfodion Ysgol a gawsoch ond nid oedd gennych hawl iddo oherwydd eich methiant i ddatgelu gwybodaeth bwysig.

Os yw'ch plentyn yn symud i ysgol wahanol yng Nghasnewydd yn ystod y flwyddyn ysgol, cysylltwch â'r Tîm Prydau Ysgol Am Ddim fel y gallwn ddiwygio'r dyfarniad a rhoi gwybod i'r ysgol newydd am ei hawliad.

Ni allwch hawlio am blentyn sydd â lle meithrin rhan-amser.

PENDERFYNWYD PEIDIO Â GWNEUD CAIS?

Mae Llywodraeth Cymru yn rhoi grant ychwanegol i bob plentyn y mae ganddo hawl i brydau ysgol am ddim ac sy'n eu hawlio (yn seiliedig ar y meini prawf cymhwysedd ar gyfer teuluoedd incwm is). Gall fod yn fonws ychwanegol i ysgol eich plentyn felly byddem yn eich annog i wneud cais.

Mae prydau ysgol yn cynnig dewis iach gyda buddion maethol sylweddol ac mae tystiolaeth ddiweddar yn awgrymu y gall cael pryd iach amser cinio helpu i wella perfformiad a gallu eich plentyn i ganolbwynt yn ystod y dydd.

Os oes gennych unrhyw ymholiadau ynghylch Prydau Ysgol am Ddim neu'r Grant Hanfodion Ysgol, cysylltwch â:

- Rhif Ffôn (01633) 987754 neu
- drwy e-bost: freeschoolmeals@newport.gov.uk

Mae'r ddogfen hon ar gael yn Saesneg / This document is available in English